



UNIVERSITÄTS-  
BIBLIOTHEK  
PADERBORN

**Francisci Montmorencii E Societate Iesv Cantica Et Idyllia Sacra**

**Montmorency, François de**

**Antverpiae, 1638**

Vulpes. Capite nobis vulpes paruulas. Cant. Cant. 2.

---

[urn:nbn:de:hbz:466:1-69423](#)

## VVL PES IDYLLION.

## ARGUMENTVM.

Cant. Cāt. Duo vindemiatores, Naboth & Zebul, in sub-  
cap. 2. urbano Iesrahelis agro, de capiendis & ex-  
*Capite no-*  
*bis vulpes*  
*paruulas,*  
*qua demo-*  
*liuntur vi-*  
*neas.*  
tinguendis vulpibus quæ vineam demolie-  
bantur, ineunt consilium. Per Vineam,  
ECCLESIA CHRISTI; per Vulpem HER-  
ESIS repræsentatur.

## Z E B V L.

**T**V simili mentitus aues, Naboth, su-  
surro,  
Credula suspendis viscatis agmina  
ramis:  
Sector ego canibus visæ vestigia vulpis.

## N A B O T H.

Zebole, ter denas hoc cepi manè volucres,  
Quæ rapuere meis mitis è vitibus uas.  
Aucupium tabulâ nunc digero: primus opimus  
Enitet alitibus, stat macris ultimus ordo,  
Vt minùs offendat macies subiuncta sagine.  
Ista seni referam sub cœnam munera nostro.

## Z E B V L.

Damna tuis tulerit ficedula fortè racemis;  
Sed longè graniora mea vulpecula viti.  
Frigora

Frigora non tantum matutinaque pruine  
Palmitibus, quantum dentis nocet illa veneno.  
Heic ubi prouenit talis mihi sapius tua,  
Qualis ad Hebronis natale gigantibus aruum  
Exploratori fuit olim visa Calebo,  
Nunc lego corroso turpem de palmite botrum.

## N A B O T H.

Et mihi non vna nocuit vulpecula fraude:  
Nil prohibent sepes, pietis quin irruat vnis.  
Quam benè præda tibi cadet! at quibus oppri-  
mis illam

Artibus, heic inter filices mihi, Zebole, narra.  
Interea maculis ego texam retia raris,  
Quæ vespertinam fluitent nebulosa sub horam,  
Turdorum celeres interceptura volatus.

## Z E B V L.

Cui non calliditas est cognita vulpis? hirundo  
Non fugit instantem vigilantiū aduena bru-  
mam,

Quam versuta sibi structos vulpecula casses.  
Si quando tamen in laqueos incantior illa  
Incidit, & duplice sentit se fune teneri,  
Tunc meminit captiva sui; pedicasque re-  
fringens

Dentibus, implicitos absoluit nexibus artus.  
Unde dolis hanc credo feram vix posse pre-  
hendi.

N A-

## NABOTH.

*At, vulpinandum vulpes aduersus, & aru  
Audieram variâ fallendam sapiens artem.*

## ZEBVL.

*Audieras; vulgoque ferunt: & me quoq[ue]  
Nasson,*

*Nasson Idumæi conterminus accola saltus,  
Ungere lina simo docuit; ne funis odorem  
Callida percipiatur pecus, & declinet ab ipsis  
Decipulis. Ego non aliter Samsona putarim.  
Rure Palæstino vulpes cepisse trecentas.  
Has aliis pernæ tractas nidore suillæ  
Post dumeta latens inopino conficit arcu.  
Est qui præcipites scrobibus det cespite tectis.  
Mille alias usus venandi repperit artes.  
Sed mihi non æquè placet ars, ut odora  
num vis  
Per iuga dum versat trepidam Gabaonia  
vulpem.*

## NABOTH.

*Non huic villa, reor, venatio Zebole præstat:  
Sed multâ catuli curâ sunt antè docendi  
Vestigare feram, fortique laceffere morsu.*

## ZEBVL.

*Est quoddam canis acre genus; ut corpore  
paruum,*

sic



Sic animis ingens & robore: subniger illi  
 Est color, os simum, pendens prolixius auris;  
 Hirsutis duo sub cilijs cana lumina, dentes  
 Conferti rabidiique, brevis pes, longior unguis:  
 Indole tam docili, per agros ut sponte feratur  
 Deprendat profuga si quæ vestigia vulpis.  
 Mille per anfractus dextrâ lauâque vagatur,  
 It, redit, explorat prono loca singula naso;  
 Inque cani penetrat perfossa cubilia montis,  
 Feta quibus sese latebris amat abdere vulpes.  
 Heic simul ac illi notas odor attulit auras,  
 Latitiâ fremit; & saltu se librat in hostem  
 Par iaculo, cœcasque domos latratibus implet.  
 Turba canum respondet: abit baubatus ad  
 astra.

Non ita me blandis mulcet philomela querelis,  
 Ut iuuat hic, Nabothe, canum gannitus; acutos  
 Ipsa sonos reddit nemorum vocalis imago,  
 Siluaque venantum reboat clamoribus omnis,  
 I Theron, i Carilax, i Celanor; euge Me-  
 lampe,

Nostra fera est, iam nostra fera est. Iam capta  
 tenetur.

Omnis io captâ gaudie vicinia prædâ.

Tu venatori, de more, colona repone  
 Oua. Tuæ periit pestis vulpecula cortis.

### N A B O T H.

Quas ego pro tali reddam tibi carmine grates,  
 Y Ant:

*Aut quæ dona feram? geminos, en sume,  
nistros*

*Zebole, collectam condas ubi molliter vua-*

## E P I L O G V S.

*Vulpis adumbratam sub imagine lusimus ijs  
Hæresin, extremum bello dum Cæsar ad Albin  
Fulminat, hanc certus terris exscindere p-  
stem.*

*Forsitan assurgent olim grauiore cothurno,  
Et mea Cæsareas aquabunt carmina lauros.*



NILVS